

Cursu de limba sarda

Sunt partidus is duus cursus de limba sarda aparitzadus de su Comunu de Baressa cun s'Ufìtziu limba sarda intercomunali chi ponint impari is comunus de Bobadri, Sini, Ollasta, Bàini, Abas, Pau e Crucuris.

Is cursus sunt aparitzadus gràtzias a unu progetu de formatzione linguistica finanziadu cun sa Lege de s'Istadu n.482 de su 1999 chi acuntessit sa promotzioni e sa tutela de is limbas de minoria e duncas de su sardu puru.

Custa formatzioni, fata prus che totu pro is dependentis comunalis, est istada aberta a is tzitadinus residentis de is otu biddas chi faint parti de su Servìtziu limba sarda comenti a ascurtadoris.

Novas Baressesas at a bessiri prus o mancu una borta a su mesi e s'at podi arriciri inderetura in domu, cun una e-mail: bastat a ddu pediri mandendi una punta de billetu eletrònicu a s'indiritzu serviziocultura@comune.baressa.or.it iscriendi su nòmmini, su sanguinau e "bollu arriciri *Novas baressesas*". In prus, s'at podi ligi puru in sa bacheca comunali o agatai in medas atividades comercialis de sa bidda o in sa biblioteca comunali



Comunu de Baressa

Provìntzia de Aristanis

Sa redatzioni de *Novas Baressesas* est contivigiada de su Servìtziu linguisticu sardu e s'Assessorau a sa Cultura de su Comunu de Baressa.

S'isportellu linguisticu est a disponimentu de tzitadinus, maistus de iscola, professoris e istudentis po cali si siat informatzioni, fundamentu, duda e crosidadi asuba de sa lingua sarda, po consulèntzias didàticas e po contzillus chi pertocant is arrègulas de iscradura de su sardu.

Su Servìtziu in lodàmini at a èssiri abertu::

DIE	DATA	ORÀRIU
Martis	01.10.2013	11.15 – 14.15
Lunis	07.10.2013	08.00 – 14.30
Martis	15.10.2013	10.10 – 13.10
Lunis	21.10.2013	08.00 – 14.00
Martis	29.10.2013	10.40 – 13.10



Comunu de Baressa

Provìntzia de Aristanis

Novas Baressesas

☎ 0783-930049 Fax 0783-930118
e-mail: info@comune.baressa.or.it

Fòlliu periòdicu de informatzioni istituzionali de su Comunu de Baressa

**Responsabilitadi e proprietadi de su
Comunu de Baressa (or)**

Annu III, n. 9

Acabau su 21 de su mesi de lodàmini 2013

Novas de limba sarda



Dae cando sa Lege 482 de su 1999, aplichendi s'articulu 6 de sa Costituzioni de sa Repùblica Italiana, at reconnotu e amparadu sa limba sarda puru, faghende-ddi fàghere passus in dae in antis faci a s'òtenimentu de sa matessi dignidade de sa limba italiana fintzas in is logus dae ue s'istadu de minorizatzioni dd'aiat

esclùdida (s'Amministratzione pùblica, s'Iscola, s'Università, àterus), una de is chistionis de fundamentu fiat sa de aprontare ainas e fainas pro pòdere afortiare sa connoschèntzia de su sardu a ònnia livellu de sa sotziedade.

Cun custa punna, est partu pretzisu a cunsiderare e pònnerre paris cuatru bisòngius:

1) **sa divulgatzione**, est a nàrrere su de arribare a cantus prus faeddadoris possibilis, cun atentu mannu pro is dependentis de s'Amministratzioni pùblica;

2) **sa modularidadi e gradualidadi**, est a nàrrere su de aprontare ainas utilosas chi siant a tenore de su gradu de cumpetèntzia differenti chi sos faeddadoris tenint de sa limba sarda, duncas su de pigare a cunsideru su fatu chi is bisòngius formativus non sunt is matessi pro totus;

3) **su discansu e sa pratitzidadi**, est a nàrrere su de cunsiderare sa disponibilitadi de tempus chi is utentis tenent pro acumprire su caminu de formatzione;

4) **s'iscientifitzidade**, est a nàrrere su de assegurare s'impreu de modellos de imparu (in sa carrera de s'insegnamentu e in cussa de s'aprendimentu) chi siant de rigore, siat metodològicu siat de capia.

Cun custos piessignos est nàschidu su cursu e-learning www.dischente.or.it, chi oe est una de is ainas prus innovativas in s'àmbitu de s'imparu de su sardu; cun custos inditus, in custos annus, si sunt cuncordadus progetus de importu comentis su *Postale de sa Limba sarda* e is addòbius de is **DIES DE SA LIMBA SARDA**.

Su programma de is Dies de sa Limba Sarda 2013, dies de formazioni in is Iscolas e in is Comunas, mustrat comentis sa Provìntzia, paris cun s'Ufitziu de sa Limba e de sa Cultura Sarda, siat s'ghendi in custu camminu circhendi de fàghere a cumprèndere a is pitzinnus ca sa limba sarda faghet parte de s'identidade issoro, chi no est e non podet èssere "Birgòngia!", chi sa cultura sarda est, e depet èssere, unu instrumentu de

connoschèntzia a fundamentu de sa crèscida de ònnia sardu, chi ònnia limba, finas cussa sarda, paris cun totu is limbis chi si podent imparare, est richesa e ismànniat su mundu nostru ponendi-nos a cunfrontu cun àterus pòpulus e àteras culturas.

Is cursus in is Comunis sunt unu dovere, pro chi totus, mannus e pitius, potzant connòschere mègius sa limba sarda e tènnerre un'oportunidade in prus pro l'impreare.

Nois puru, comente a **Isportellu linguìsticu intercomunali de is comunus de Baressa,**

Bobadri, Abas, Ollasta, Sini, Bàini, Pau e Crucuris semus s'ghendi custu camminu e intra de pagu dies, in Santugaine (o mesi de lodàmini), emus a incumentzare **duus cursus de limba sarda** pro is dependentis comunalis e pro totu is residentis de custos comunus.

In prus **Lunis 21 de santugaine 2013** (Lunedì 21 ottobre 2013) **de is tres a is ses de merie (dalle 15.00 alle 18.00) in sa Sala cunferèntzias de su Comunu de Abas, comunu chi fait parti de su servìtziu limba sarda intercomunali cosa nostra**, s'at a faghene unu addòbiu formativu pro connòschere su giassu internet de e-learning aparitzadu de sa Provìntzia de Aristanis **DISCHENTE: IMPARARE A ISCRIERE SU SARDU**.

In prus, pro chi bolit s'ghiri in sa Provìntzia de Aristanis cali ant a èssiri is addòbius aparitzadus in is iscolas, pro faghene a cumprèndere cale podet èssere su tempus benidori de sa limba sarda, custu est su calendàriu:

Dae su 26 de cabudanni a su 5 de santandria 2013



• **Chenàbura 4 de santugaine 2013** (Venerdì 4 ottobre) in s'Istitutu de istrutzioni Superiores de **Illarzi** (Ghilarza) e **mèrcuris 16 de santugaine** (mercoledì 16 di ottobre) in su **litzeu clàssicu de Bosa** dae is 9 a is 11 nch'at a èssiri **Antonio Ignazio Garau cun Quest'anno la mosca già è poco aggressiva!**

• **Mèrcuris 9 de santugaine** dae is 4 a is 6 de merie Cursu FILS Formazione insegnantis Limba Sarda in sa sala cunferèntzias Setore Promozione de su territòriu in Pratzza Eleonòra – Aristanis.

• **Lunis 4 santandria** (lunedì 4 novembre) 2013 in su **Litzeu Clàssicu de "De Castro" de Aristanis** e **martis 5 de santandria 2013** (martedì 5 novembre) in su **lizeu Iscientificu de Laconi** nc'at a èssiri "Birgongia!" Cun Alessandro Mongili.

• **Martis 1 de santugaine 2013** (martedì 1 ottobre) in su **Litzeu Iscientificu de Terraba e giòbia 10 de santugaine** (giovedì 10 ottobre) in su **Lizeu iscientificu de Aristanis** de is 9 a is 11 de mengianu: **A Nanni Sulis, cun Duilio Caocci**.